

BOSNA I HERCEGOVINA
Federacija Bosne i Hercegovine
TUZLANSKI KANTON
Javna ustanova Osnovna škola
„Rapatnica" Rapatnica
Broj: 01- 677-2/25.
Datum: 05.08.2025. godine.

Na osnovu člana 105. stav (1) tačka b) i člana 108. Zakona o osnovnom odgoju i obrazovanju-prečišćeni tekst (“Službene novine TK” broj 10/20, 8/21, 11/21, 22/21, 5/22, 10/22, 11/22, 9/23, 12/23 i 5/25.), člana 1. stav (2) Kriterija o utvrđivanju uslova na osnovu kojih se vrši izbor i imenovanje kandidata za direktora osnovnih škola čiji je osnivač Skupština Tuzlanskog kantona (“Službene novine TK-a” broj: 11/14, 15/21 i 20/22) i Odluke Školskog odbora o raspisivanju konkursa za izbor i imenovanje direktora, broj: 01-677-1/25. od 05.08.2025. godine, Javna ustanova Osnovna škola “Rapatnica” Rapatnica raspisuje

K O N K U R S

za izbor i imenovanje direktora JU Osnovne škole “Rapatnica” Rapatnica

Raspisuje se konkurs za izbor i imenovanje direktora JU Osnovna “Rapatnica” Rapatnica na mandatni period u trajanju od 4 (četiri) godine.

Opis poslova

Direktor škole rukovodi školom i obavlja i druge poslove u skladu s članom 111. stav (1) Zakona o osnovnom odgoju i obrazovanju - prečišćeni tekst (“Službene novine Tuzlanskog kantona” broj: 10/20, 8/21, 11/21, 22/21, 5/22, 10/22, 11/22, 9/23, 12/23 i 5/25.), kao i druge poslove utvrđene podzakonskim aktima i Pravilima škole.

Opći uslovi

Kandidat za direktora škole mora ispunjavati sljedeće opće uslove:

- a) da je državljanin Bosne i Hercegovine,
- b) da je zdravstveno sposoban za obavljanje poslova direktora škole,
- c) da se na njega ne odnosi član IX stav (1) Ustava Bosne i Hercegovine,
- d) da nije osuđivan za krivično djelo,
- e) da nije kažnjavao u oblasti privrednog prestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole.

Posebni uslovi

Kandidat za direktora škole, pored općih uslova, obavezan je ispunjavati sljedeće posebne uslove:

- a) da ispunjava uslove za nastavnika ili stručnog saradnika škole, da ima VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja;
- b) da ima najmanje pet godina radnog iskustva na poslovima nastavnika ili stručnog saradnika škole;
- c) da ima položen stručni ispit za samostalan rad na poslovima nastavnika ili stručnog saradnika;
- d) da ima program rada i razvoja škole za period na koje se imenuje direktor;
- e) da nije u skladu sa članom 87. Zakona o osnovnom odgoju i obrazovanju - prečišćeni tekst (“Službene novine Tuzlanskog kantona” broj: 10/20, 8/21, 11/21, 22/21, 5/22, 10/22, 11/22, 9/23, 12/23 i 5/25.) nepodoban za rad sa djecom,

- f) da nije član izvršnih organa političkih stranaka,
- g) da mu u posljednje tri godine prije dana objavljivanja konkursa nije otkazan ugovor o radu zbog disciplinske odgovornosti ili izrečena disciplinska mjera otpusta iz državne službe,
- h) da nema direktan finansijski ili drugi lični interes u JU Osnovna škola "Rapatnica" Rapatnica, koji bi mogao dovesti do sukoba interesa sa njegovom dužnošću direktora,
- i) da nije obavljao dužnost direktora škole dva uzastopna puna mandata u JU OŠ "Rapatnica" Rapatnica,
- j) da zbog svoje krivice u posljednje četiri godine nije bio razriješen dužnosti direktora neke od odgojno – obrazovnih ustanova
- k) da u mandatnom periodu ne stiće uslove za odlazak u penziju, u skladu s odredbama Zakona o radu ("Službene novine FBiH" broj: 26/2016, 89/2018, 23/2020-Odluka US 19/2021-dr.zakon, 103/2021-dr.zakon, 44/2022 I 39/2024).

Za direktora škole ne može biti imenovano lice koje ne ispunjava opće i posebne uslove konkursa.

Kandidati su dužni dostaviti dokaze o ispunjavanju općih i posebnih uslova konkursa, odnosno sljedeću dokumentaciju u originalu ili ovjerenoj kopiji ne starijoj od šest mjeseci:

1. Prijavu na konkurs,
2. Kraću biografiju,
3. Uvjerenje o državljanstvu,
4. Dokaz o stručnoj spremi,
5. Potvrda/uvjerenje o radnom iskustvu izdata/o od strane škole da ima najmanje pet godina radnog iskustva na poslovima nastavnika ili stručnog saradnika,
6. Uvjerenje izdato od strane nadležnog suda da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole,
7. Uvjerenje o položenom stručnom ispitu za samostalan rad u oblasti obrazovanja na poslovima nastavnika ili stručnog saradnika škole, poslije sticanja odgovarajuće stručne spreme,
8. Program rada i razvoja JU Osnovne škole „Rapatnica" Rapatnica za period na koji se imenuje direktor,
9. Ovjerena izjava kandidata da se na njega ne odnosi član IX stav (1) Ustava BiH,
10. Ovjerena izjava kandidata da nije osuđivan za krivično djelo,
11. Ovjerena izjava kandidata da nije pravosnažno osuđivan za krivično djelo koje ga čini nepodobnim za rad sa djecom po članu 87. Zakona o osnovnom odgoju i obrazovanju - prečišćeni tekst ("Službene novine Tuzlanskog kantona" broj: 10/20, 8/21, 11/21, 22/21, 5/22, 10/22, 11/22, 9/23, 12/23 i 5/25.),
12. Ovjerena izjava kandidata da nije član izvršnih organa političkih stranaka,
13. Ovjerena izjava kandidata da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili mu u istom periodu izrečena disciplinska mjera otpusta iz državne službe,
14. Ovjerena izjava kandidata da nema direktan finansijski i drugi lični interes u JU Osnovnoj školi „Rapatnica" Rapatnica, koji bi mogao dovesti do sukoba interesa sa njegovom dužnošću direktora,
15. Ovjerena izjava kandidata da nije obavljao dužnost direktora dva uzastopna mandata u JU OŠ "Rapatnica" Rapatnica,
16. Ovjerena izjava kandidata da u posljednje četiri godine nije zbog svoje krivice bio razriješen dužnosti direktora neke od odgojno – obrazovnih ustanova;
17. Ovjerena izjava kandidata da u mandatnom periodu ne stiće uslove za odlazak u penziju u skladu sa odredbama Zakona o radu.

Pod ovjerenom izjavom podrazumijeva se izjava ovjerena od strane nadležnog gradskog ili općinskog organa, odnosno izjava ovjerena od strane notara.

Kandidat koji bude imenovan za direktora dužan je dostaviti:

- Ljekarsko uvjerenje nadležne zdravstvene ustanove (ne starije od 3 mjeseca) i
- Izjavu ovjerenu od strane nadležnog organa o odstupanju sa pozicije predsjednika ili člana Školskog odbora ukoliko je u tom momentu obavljao navedenu dužnost.

Nakon provedene konkursne procedure, Školski odbor vrši izbor i imenovanje direktora škole na period od 4 (četiri) godine, uz prethodno pribavljeno stručno mišljenje Pedagoškog zavoda i prethodnu saglasnost nadležnog Ministarstva, uz ocjenu dostavljenog Programa rada i razvoja škole za period na koji se imenuje direktor.

Kandidat koji nije dobio saglasnost nadležnog Ministarstva ne može biti imenovan za direktora škole.

Konkurs ostaje otvoren 15 (petnaest) dana od dana objavljivanja u "Večernjem listu"d.o.o. Mostar.

Nepotpune i neblagovremene prijave neće se uzimati u razmatranje.

Prijave dostavljati lično ili preporučeno putem pošte na adresu škole:

**Javna ustanova Osnovna škola "Rapatnica" Rapatnica
Rapatnica
75350 SREBRENİK**

Sa naznakom: (Konkurs za izbor i imenovanje direktora JU Osnovna škola "Rapatnica" Rapatnica – NE OTVARATI)

Predsjednik Školskog odbora

Amela Mujkić